

www.e-rara.ch

**Consentiente inclito Academiae Viennensis Theologorum Collegio,
questionem subsequentem cum positionibus annexis disputandam
proponet repetitionis loco. Paulus Scalichius de Lika sacrae theologiae**

...

Scaliger, Paul

Viennae Austriae, [ca. 1560]

Universitätsbibliothek Basel

Shelf Mark: Frey-Gryn E IV 18:3

Persistent Link: <http://dx.doi.org/10.3931/e-rara-11405>

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

D. O. M. A.

In gloriam & honorem indiuiduæ Trinitatis:

CONSENTIENTE INCLITO ACADEMIÆ VIENNENSIS THEOLOGORVM COLLEGIO, QUÆSTIONEM SUBSEQUENTEM CVM POSITIONIBVS ANNEXIS DISPUTANDAM PROPONET

DISPUTANDAM PROPONET

REPETITIONIS LOCO.

Paulus Scalichius de Lika

SACRÆ THEOLOGIÆ DOCTOR.

QUÆSTIO.

Verum bona opera conscientias reddant pacatas, in nosq; effundant benedictiones spirituales, coelestes, & diuinas, quibus ad reconciliationem & vitam æternam nobis opus sit?

POSITIO PRIMA.

Benedictione spirituali, (vt ad Gal. 3. habetur) qui ex fide sunt, benedicuntur cum fideli Abraham, cuius benedictio est in Christo Iesu, in quo (vt ad Coloss. 2.) sunt omnes thesauri sapientiæ & scientiæ absconditi.

II.

Extra Christum nihil est nisi peccatum, damnatio & maledictio, & solus Christus nos redemit de maledicto legis, factus pro nobis maledictum (quia scriptum est 21. Deut. Maledictus omnis qui pendet in ligno) vt in gentibus benedictio Abrahæ fieret in Christo Iesu, vt pollicitationem spiritus accipiamus per fidem.

III.

In solo semine Abrahæ consistit benedictio, & (sicut in Petrus Act. 4. ait) non est in alio aliquo salus: Neq; enim aliud nomen datum est hominibus, in quo oporteat nos saluos fieri: atq; propter hoc ipsum semen, remissio peccatorum & reconciliatio certa donatur gratis, quæ fide accipienda est.

IIII.

Benedictio spiritualis est incerta, si pendeat ex conditione nostrorum meritorum: quamuis in reconciliatis postea bona opera (quæ proximè immediati fructus veræ sunt fidei) cum placeant fide propter mediatorem, merentur præmia spiritualia & corporalia, in hac vita & post hanc vitam: Pietas enim 1. Timoth. 4. habet promissiones præsentis & futuræ vitæ.

V.

Vires & potentia in hoc regno Christi est fides, credens & nitens verbo, promissione Dei, & Sacramentis, signis ac pignoribus gratiæ & fauoris diuini, quibus propter Christum animamur & armamur, vt omnes vitæ ærumnas & mala toleremus & vincamus: In his enim omnibus (Rom. 8.) superamus per eum qui dilexit nos.

VI.

Deus multipliciæ opera proposuit, & addidit promissiones auxiliij & præmiorum, vt sit occasio inuocationis, excitetur & crescat fides, intuitio præmiorum, sollicitudo de vniuersa Ecclesia, de Repub: & nostra salute, sicut patet in exemplo viduæ Sareptanæ & Eliæ.

VII.

Perita conscientia facilè iudicare potest, non posse fidem niti duabus rebus, Mediatore nempe, & nostris meritis, sed propter Mediatorem certò expectandam vitam æternam.

VIII.

Non est consentaneum, homines reputari iustos coram Deo propter iustitiam rationis: quamuis eam Deus requirit, & propter mandatum Dei necessariò sunt facienda honesta opera, vt hac ciuili disciplina coërceantur carnales, & ad hanc conseruandam, dedit leges, literas, doctrinam, magistratus, & poenas.

IX.

Ratio proprijs viribus non potest Deum supra omnia diligere, nec legem Dei facere, videlicet, verè timere Deum, verè statuere quòd Deus exaudiat, velle obedire Deo in morte, & alijs ordinationibus Dei.

CONCLUSIO.

Concludimus ergo, quòd bona opera primariò & per se necessariò quidem requirantur, ad testificandam veram fidem: sed non satisfaciunt legi Dei, nec reddant pacatam conscientiam, sed quòd propter Christum, per misericordiam reputemur iusti, & consequamur vitam æternam.

Proxima die Veneris ventura, quæ est dies Augusti, 27.
IN AVLA VNIVERSITATIS hora sexta.

Paulus Schickelbusch de Lika
SARKATI OLDGARDATOR